



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 175. Diversæ opiniones circa postrema hujus articuli verba.

[urn:nbn:de:hbz:466:1-66281](https://nbn-resolving.org/urn:nbn:de:hbz:466:1-66281)

§. CLXXIV.

Sæcul. XV.
A. C. 1415.*Decretum Sessionis.*

Declarat, quod ipsa Synodus in Spiritu Sancto congregata legitime, generale Concilium faciens, Ecclesiam catholicam militantem repræsentans, potestatem a Christo immediate habeat, cui quilibet, cujuscunque status vel dignitatis, etiamsi papalis existat, obedire tenetur in iis, quæ pertinent ad fidem & extirpationem dicti schismatis, & reformationem generalem Ecclesiæ Dei, in capite & in membris.

§. CLXXV.

Diversæ opiniones circa postrema hujus articuli verba.

Primus iste articulus in plerisque hujus Concilii editionibus, necnon ex plurimis scriptis Codicibus altesato tenore legitur. Nihilominus Schelstratus hæc verba: *Reformatio Ecclesiæ in Capite & membris*, in quarta Sessione perlecta non fuisse asserit, sed Florentinum Cardinalem in medio lectionis cursu repente hærentem ea consulto omisisse, vel falsa, vel contra generalem Synodi mentem perperam intrusa fuisse affirmans. Dupinus hæc quoque verba: *in iis, quæ pertinent ad fidem* in nonnullis editionibus de-

Hist. Ecclesiast. Tom. XXV. G g esse

Sæcul. XV. esse testatur, ac denique in quibus-
A C. 1415. dam Bibliothecæ Vaticanæ Codicibus
 scriptis, quos Schelstratus consuluit, hæc
 verba: *ad reformationem Ecclesiæ in Capi-
 te & membris*, desiderari. Cum vero in
 pluribus aliis, præsertim in uno Cardi-
 nalis Sirleti, in duobus San-Victorianis
 voluminibus, etiam tempore Concilii ma-
 nu exaratis, necnon in antiqua Colle-
 ctione actorum Concilii Constantiensis
 jussu Basileensis Synodi Anno millesimo
 quadringentesimo quadagesimo secundo
 concinnata, & prima vice Haghenoxe An-
 no supra millesimum quingentesimo ty-
 pis vulgata, item in omnibus sessionis se-
 quentis authographis reperiantur; cum-
 que Gersonius in utroque sermone, quem
 in Concilio habuit, hæc verba sub eodem
 tenore recitasset, videtur Schelstratus
 immerito Concilii Basileensis Patres ve-
 lut primos hujus additionis Auctores in-
 culcasse, maxime, quia ad probandum,
 quod reipsa Synodus, Papam Concilio
 esse inferiorem, definierit, supervacaneum
 fuisset, hæc verba primum affluere, eo-
 quod hæc doctrina per priora hæc ver-
 ba: *Cui quilibet, cujuscunque status vel di-
 gnitatis, etiamsi Papalis existat, jam factis
 superque stabilita fuisset* *. Denique
 conce-

(*) Plane hæc verba ad stabiliendum Gal-
 lorum

concedatur, quoddam dubium in hac Sæcul. XV.
 Sessione circa hæc verba reformationem A.C. 1415.
 concernentia motum fuisse; nonne id in
 Sessione sequenti satis sublatum videtur,
 dum in ea idem hoc Decretum unacum
 eadem hac additione relectum & rei-
 teratum fuit. Hasce duas sententias
 Doctor Vander Hardt conciliare conatur,
 dicens: quod in manuscriptis, in quibus
 de reformatione nulla fit mentio, articu-
 li referantur tales, quales Zabarella in
 Concilio legerat: econtra vero illi Codi-
 ces, in quibus hæc verba expressa habentur,
 eos recitarent, prout Nationes illos
 a se conditos a Cardinale perlegi vo-
 luerunt.

§. CLXXVI.

Articulus secundus.

Articulus secundus, prout illum Cardi-
 nalis Florentinus legerat, hujus erat
 teno-

*lorum systema non suffecissent, hi enim Papam
 quolibet Concilio Generali absolute inferiorem
 esse ex hisce decretis evincere nituntur, cum tamen
 hæc verba aperte hac restrictione limitentur:
 super præmissis, id est super auctoritate Con-
 ciliarum in & pro casu schismatis, seu, quod i-
 dem est, Pontificis duntaxat dubii, vel illegitimi,
 ubi enim certus est Papa, non exstat schismatis
 casus.*